



Broj: 04-GV-04-236/22
Sarajevo, 09.02.2022. godine

ZAPISNIK O RADU
11. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 09.02.2022. GODINE

Prisutni:

1. Damir Dinarević, predsjedavajući
2. Jelena Samardžić, zamjenica predsjedavajućeg
3. Aldijana Kulin, članica
4. Edin Veletovac, član
5. Denis Čolić, član
6. Hazim Bahtanović, član

Odsutan: Almedin Miladin, član (najavljeno odsustvo),

Sjednici iz Stručne službe Gradskog vijeća Grada Sarajeva prisustvuje:

- Mila Eminović Rizvanović, sekretar Gradskog vijeća Grada Sarajeva

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 13.04 sati otvorio sjednicu, pozdravio prisutne, te utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 10. sjednice Komisije za spomenike Gradskog vijeća Grada Sarajeva održane 16.12.2021. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Razmatranje inicijative gradskog vijećnika Ratka Orozovića
2. Razmatranje inicijative gradskog vijećnika Muamera Mekića
3. Javna rasprava o Nacrtu Strategije razvoja Grada Sarajeva 2021.-2027.
4. Tekuća pitanja

TAČKA 1.

Razmatranje inicijative gradskog vijećnika Ratka Orozovića

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Edin Veletovac, član Komisije pristupio je sjednici u 13.08 sati.



Mila Eminović, sekretar Gradskog vijeća dala je dodatna pojašnjenja koja se odnose na razmatranje navedene inicijative.

Hazim Bahtanović, član Komisije je pristupio sjednici u 13.10 sati.

U raspravi su učestvovali članovi Komisije za spomenike, te iznijeli određene prijedloge i sugestije.

Poslije uvodnog izlaganja te sažetka Predsjedavajućeg, Komisija za spomenike je jednoglasno usvojila sljedeći **zaključak**:

Komisija za spomenike Gradskog vijeća Grada Sarajeva konstatuje da podnesena inicijativa gradskog vijećnika Ratka Orozovića nije potpuna u smislu da ne sadrži elemente propisane članom 5. stav 2. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – ispravka), te traži da se putem nadležne službe Gradske uprave, vrati gradskom vijećniku na dopunu.

TAČKA 2.

Razmatranje inicijative gradskog vijećnika Muamera Mekića

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove

Mila Eminović, sekretar Gradskog vijeća dala je dodatna pojašnjenja koja se odnose na razmatranje navedene inicijative.

Poslije uvodnog izlaganja te sažetka Predsjedavajućeg, Komisija za spomenike je jednoglasno usvojila sljedeće **zaključke**:

1. Komisija za spomenike Gradskog vijeća Grada Sarajeva konstatuje da je inicijativa gradskog vijećnika Muamera Mekića podnesena od ovlaštenog predlagača, potpuna i u skladu sa članom 5. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – ispravka).
2. Komisija za spomenike Gradskog vijeća Grada Sarajeva u postupku valorizacije zaključuje da su ispunjeni kriteriji iz člana 3. Odluke o spomenicima od značaja za Grad Sarajevo, te da je spomen-ploča od značaja za Grad Sarajevo, i traži da se inicijativa uputi Gradskoj službi za urbano planiranje, investicije, stambene i komunalne poslove kako bi ispitala mogućnosti za realizaciju inicijative, naročito u pogledu pogodnosti lokacije, finansijskih sredstava i godine u kojoj je moguće pristupiti realizaciji, a cijeneći usvojeni godišnji Program podizanja spomenika i umjetničkih skulptura od značaja za Grad Sarajevo kojima je Grad Sarajevo investitor i sredstva u budžetu.

TAČKA 3.

Javna rasprava o Nacrtu Strategije razvoja Grada Sarajeva 2021.-2027.

Na prijedlog Predsjedavajućeg, Komisija za spomenike jednoglasno je usvojila sljedeći **zaključak**:

Komisija za spomenike Gradskog vijeća Grada Sarajeva je razmotrila *Nacrt Strategije razvoja Grada Sarajeva 2021.-2027.*, te konstatuje da nema prijedloga, primjedbi niti sugestija na isti, te sugerira Gradskom vijeću da razmatra Strategiju u tekstu kako je predložena.

TAČKA 4.

Tekuća pitanja

Pod ovom tačkom dnevnog reda nije bilo rasprave, te je Tarik Zečić informisao članove Komisije da je odabrano Idejno rješenje za spomenik Kralju Tvrtku I Kotromaniću, da je u toku propisana zakonska procedura i da će Komisija o svim ostalim pitanjima biti blagovremeno obavještena.

PREDSJEDAVAJUĆI KOMISIJE

Damir Dinarević, s.r.

Predsjedavajući Komisije je u 13.33 sati zaključio rad 11. sjednice Komisije za spomenike Gradskog vijeća Grada Sarajeva.